

各位評判老師,各位同學,逐家好!我是編號?號,今仔日我欲演說的題目是第一題「坐車讓位」.

「車」是一種交通工具,會當共人送去想欲去的所在.「讓」字有謙讓、禮讓的意思.「位」字有職位、坐位的意思.「坐車讓位」也就是講:坐車的時陣共坐位讓予別人坐,而家己煞倚咧的意思.

現代人毋管是做工課、抑是上課讀冊,「車」攏是有必要的交通工具,而坐車更加是真濟人需要的選擇.「坐車讓位」是一種美德,無論是坐公車、坐火車、坐捷運,甚至是坐高鐵等的大眾交通運輸工具頂懸,每一工定定攏會當看著誠濟人會主動讓位予有需要的人.政府機關更加是大力推揀,佇每一種大眾交通運輸工具頂懸攏愛設立「優先席」,這種坐位是欲予有身的婦人人、老歲仔人、行動無方便的人抑是耜著幼嬰仔的人等,攏有代先坐這種坐位的人.

讓位予有需要的人,毋是講欲得著別人的說謝抑是呵咾,上主要是發揮家己的愛心,佇學校老師嘛有教阮愛按呢做,更加愛推揀到每一個人,予咱的社會更加和諧伶進步.

評判提問:

- 1.你敢捌讓位予別人坐?請大概講一下.
- 2.有的人無欲讓位予有需要的人坐,你有啥物看法?請大概講一下.